

Ժողովուրդ

146
(2626)

15 հոկտեմբերի շաբաթ 2022
տպագրության ԺԱ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 113



Չնայած յուրաքանչյուր ելույթի ժամանակ ՀՀ վարչապետ Նիկոլ Փաշինյանը շտապում է քննադատել նախկիններին, մասնավորապես՝ Սերժ Սարգսյանին, սակայն նախկինում այլ ուշագրավ հայտարարություններ նույնպես եղել են: Օրինակ՝ 2020 թվականի հունվարին Կապանում վարչապետն իր ասուլիսում անդրադառնում է Սերժ Սարգսյանի թողած բանակցային ժառանգությանը, ուշագրավ գնահատականներ է տալիս: Նա հիշատակում է Սարգսյանի թողած բանակցային ժառանգությունն ու ասում, որ կարող է վերադառնալ դրան. եթե Արցախի ժողովուրդը որոշի՝ սա է ընդունելի տարբերակը, ճիշտ բովանդակությունը, ինքը երաշխավորում է, որ նույն պահին դա կհայտնվի բանակցային սեղանին, ոչ մի պրոբլեմ չենք ունենա: Այսինքն՝ երկու տարի առաջ նա կողմ էր վերադառնալ Սարգսյանի բանակցային ժառանգությանը, սակայն ԱԺ ամբիոնից քննադատում էր Մադրիդյան սկզբունքները, ասում, թե Սերժ Սարգսյանը կապիտուլյացիայի փաստաթուղթ է թողել սեղանին եւ հեռացել: Ստացվում է՝ նա կրկին մոռացել է իր խոսքերը ու մանիպուլացրել հասարակությանը՝ ստելով:

Դեռես այս տարվա հունիս ամսին Արցախի Ազգային ժողովի ընդդիմադիր խմբակցությունները՝ ի դեմս «Արդարություն» խմբակցության ղեկավար Ռավիթ Գալստյանի, արցախյան հիմնադրամները քննելու հանձնաժողով ստեղծելու առաջարկով էին հանդես եկել: Գալստյանն ասում էր, որ հատկապես պատերազմից հետո Արցախում գործող գյուղատնտեսական եւ ներդրումային հիմնադրամների գործունեությունը քննելու անհրաժեշտություն կա: Պատգամավորի առաջարկին նախնական 9 պատգամավոր էր միացել, այդ թվում՝ Սամվել Բաբայանի «Միասնական հայրենիք» խմբակցության 1 պատգամավոր: Կարճ ժամանակ անց, սակայն, այդ մեկ պատգամավորը ստորագրությունը հետ էր վերցրել, իսկ Բաբայանի կուսակցությունը հայտարարություն էր տարածել, թե հիմնադրամներում տիրող ֆինանսական վիճակը կքննարկեն սեպտեմբերին: Հիմա արդեն հոկտեմբերն է, ու պարզ է, որ Գալստյանի բարձրաձայնած հարցը Բաբայանի կուսակցության համար ոչ միայն երկրորդ պլան է մղվել, այլ առհասարակ մոռացության է մատնվել: Ավելին՝ «Ժողովուրդ» օրաթերթի տեղեկություններով՝ Արցախի ներդրումների հիմնադրամից «Միասնական հայրենիք» կուսակցության առաջնորդ Սամվել Բաբայանին 100 մլն դրամ է փոխանցվել (մոտ 244 հազար դոլար)՝ ըստ երեւութին Արցախում ինչ-որ ներդրում իրականացնելու համար: Տեղեկացանք, որ վարկը Բաբայանին առանց գրավի եւ լուրջ տոկոսների է տրամադրվել: Մեկնաբանություն ստանալու համար «Ժողովուրդ» օրաթերթը փորձեց թե՛ անձամբ Սամվել Բաբայանի, թե՛ Արցախի ներդրումային հիմնադրամի հետ կապ հաստատել: «Պրն Բաբայանին կզգուշացնենք, որ լրագրող է գնա՞գել», - մեզ ասացին Բաբայանի գրասենյակից: Մինչեւ ուշ երեկո այդպես էլ մեզ հետ կապի դուրս չեկան: Ինչ վերաբերում է հիմնադրամին եւ նրա տնօրեն Էռնեստ Գրիգորյանին, ապա տնօրենի հետ կապ հաստատել չհաջողվեց, իսկ հիմնադրամի քաղաքային հեռախոսահամարներից որեւէ մեկը գնա՞գերին չպատասխանեց:



Բարձրագույն դատական խորհրդի նախագահ Կարեն Անդրեասյանի համար հարմարավետ պայմաններ են ստեղծում: «Ժողովուրդ» օրաթերթը տեղեկացավ, որ պաշտոնային դրույքաչափի 50 տոկոսի չափով հավելում կտրամադրվի: Հայաստանի արդարադատության նախարարությունն առաջարկում է Վճռաբեկ դատարանի դատավորներին պաշտոնային դրույքաչափի 50 տոկոսի չափով հավելում տրամադրելու մոտեցումը կիրառել նաեւ Բարձրագույն դատական խորհրդի նախագահի եւ անդամի նկատմամբ: Արդեն մի քանի օր է, ինչ Անդրեասյանը ԲԴԽ նախագահ է, բայց արդեն սկսել է մտածել ֆինանսական վիճակը կայունացնելու մասին:



Սախորդ շաբաթից Արցախի մայրաքաղաք Ստեփանակերտում մեկնարկած բողոքի ցույցերից հետո (որի ժամանակ արցախահայությունը տեղական կառավարությունից պահանջում էր ներկայացնել, թե ինչ է լինելու Արցախի ճակատագիրը, եթե հանկարծ Հայաստանի ղեկավարությունը որոշի «խաղաղության պայմանագիր» ստորագրել) Արցախի օրենսդիր ու գործադիր մարմինների ներկայացուցիչներից կազմված պատվիրակությունը Երևան է եկել՝ պարզաբանումներ ստանալու: «Ժողովուրդ» օրաթերթի տեղեկություններով՝ արցախյան պատվիրակությունն այստեղ գրկաբաց ընդունելության չի արժանացել: Մի քանի օր շարունակ ՀՀ վարչապետ Նիկոլ Փաշինյանը կտրականապես հրաժարվել է հանդիպել պատվիրակության ներկայացուցիչներին, չի պատասխանել անգամ հեռախոսազանգերին: «Ժողովուրդ» օրաթերթը տեղեկացավ, որ վարչապետի աշխատակազմի ղեկավար Արայիկ Հարությունյանը եւս օրերով չի պատասխանել իր արցախցի պաշտոնակցի հեռախոսազանգերին: Միայն նախօրեին Արցախի նախագահ Արայիկ Հարությունյանին ընդունեց Փաշինյանը: Ավնայտ է, որ Փաշինյանն արցախցի պաշտոնյաներից կաշկանդվում է. հավանաբար նրանցից թաքցնելու բան ունի: Արցախի պաշտոնյաներին վերջապես՝ մի քանի օր անց՝ Անվտանգության խորհրդի քարտուղար Արմեն Գրիգորյանը, այնուհետեւ՝ Ռուսաստան կատարած այցից հետո ԱԺ նախագահ Ալեն Սիմոնյանն է ընդունել, ինչպես նաեւ ՀՀ նախագահ Վահագն Խաչատրյանը: Նկատենք, որ Արցախի մեր հայրենակիցներն այստեղ՝ Երևանում, քանի օր շարունակ սպասել են, որ իրենց Հայաստանի գործընկերներից որեւէ մեկը բարեհաճի ընդունել, սակայն չէր ստացվում: Սա թերեւս հենց վերաբերումն է Արցախի ու արցախահայության նկատմամբ:



ՔԱՂԱՔԱԿԱՆ

ԱՐՁԱԳԱՆՔ

ԱՐՁԱԿԱՆ ԿՈՐՈՒՄՏ ԵՎ ՀԱՅԱՍՏԱՆԻ ՊԵՏԱԿԱՆԱԶԲԿՈՒՄ

Ադրբեջանագետ Գառնիկ Դավթյանն ասում է, որ Արեւմուտքը բազմազան է, որ Արեւմուտքը բազմազան է, որ Արեւմուտքը բազմազան է...



«Ժողովուրդ» օրաթերթը գրուցել է ադրբեջանագետ Գառնիկ Դավթյանի հետ: -Նախօրեին Աստանայում ԱՊՀ երկրների առաջնորդներն են հանդիպում ունեցել, երեկ էլ Ռուսաստանի, Ադրբեջանի, Իրանի նախագահները Հայաստանին ուղղակիորեն վերաբերող հայտարարություններ են արել ոչ միայն արցախյան հակամարտության կամ կարգավորման հետ կապված, այլև Հայաստան-Ադրբեջան սահմանի հետ կապված: Հայաստանից մինչ այս պահը արձագանքներ չեն հնչել: Երեկ նախագահների շուրթերից հնչեցրած հայտարարություններին ի՞նչ գնահատական կտաք: Ըստ Ձեզ՝ ի՞նչ են ուզում հասկացնել Հայաստանին:

-Նախտեսառաջ պետք է արձանագրենք, որ այսօրվա վարչակազմը փորձում է իր քաղաքական վեկտորը փոխել դեպի Արեւմուտք, հետեւաբար կարծում են, որ Ռուսաստանի կողմից նման նախաձեռնությունը կապված լոյտմբերի 9-ից հետո ստեղծված վիճակի հետ, ավելի շատ նպատակ ունի Հայաստանին դեպի ռուսական կողմ թեքելու: Ծիշտ է, արձագանքը ուշացած է, քան նախատեսված էր, սակայն պետք է ընդգծենք, որ արեւմտյան կողմում կա բավական շտապողականություն չակերտավոր խաղաղության պայմանագրի կնքման շուրջ, որովհետեւ Արեւմուտքը նպատակ ունի արտաքին քաղաքականությունն էլ ավելի դյուրացնել ստեղծված աշխարհաքաղաքական խնդիրների շրջանակում, հետեւաբար այս հանդիպումը, ինչպես նշեցի, նպատակ ունի Հայաստանին դեպի ռուսական դաշտ թերելու: Իսկ ինչու են դա անում. պետք է նշենք, որ Նոյեմբերի 9-ի կործանարար համաձայնագիրը ստորագրվել է հենց Ռուսաստանի նախաձեռնությամբ, դրանից հետո եղել են եւս երկու հայտարարություններ հենց Նոյն Ռուսաստանի նախաձեռնությամբ: Տրամաբանական է, որ ամբողջ փաթեթի կարգավորումը սկզբնական փուլում գոնե Ռուսաստանի ձեռքում էր, բոլոր մաները՝ Ռուսաստանին այդ գործընթացից դուրս թերելու, եւ կարծում են, որ կծախողվեն: Այնպես չէ, որ ռուսական կողմը մեզ ավելի լավ տարբերակ է առաջարկում, բայց պետք է չմոռանալ, որ շտապողականությամբ կարող ենք ավելի վատ փաստաթուղթ ունենալ, քան ՌԴ-ն է առաջարկում: Սա՛ մեկ, եւ երկրորդ՝ հաշվի առնելով Ադրբեջանի ագրեսիվ քաղաքականությունը եւ Հայաստանի նկատմամբ տարածքների պահանջների շրջանակի մեծացումը պետք է նշենք, որ արեւմտյան փաթեթում ավելի ոչ հայկական բարենպաստ կետեր կան ներառված, քան Ռուսաստանի: -Պուտինն Ալիեւի հետ խոսակցության ժամանակ միտք էր հայտնել, թե իրենք շարունակում են ձեռքը պոկսի վրա պահել՝ հասկանալու համար՝ ինչ է կատարվում տարածաշրջանում, Ալիեւն էլ շեշտել էր, որ իրենք անում են հնարավորը Հայաստանի հետ երկարատեւ խաղաղության հասնելու համար: Այս երկու ազդակներից ի՞նչ կարող ենք ենթադրել, ի վերջո, այդ գործընթացը կսկսվի՞ եւ է՞րբ: -Նախ՝ պետք է հասկանանք՝ Ադրբեջանի «երկարատեւ խաղաղություն» ասվածը ինչ է նշանակում. կարճ ձեւակերպում Արցախի կորուստ եւ Հայաստանի պետականադրումը, ինչը ենթադրում է 7 անկլավների վերադարձը Ադրբեջանին: Կա կետ նաեւ անհետ կորած ադրբեջանցիների տեղանքի նշում, որը որ հետագայում շատ կարճ ժամանակում, Հայաստանի համար 2 կարելու խնդիր կառաջացնի, առաջին՝ միջազգային դատարանի առաջ կանգնել որպես քաղաքացիական անձանց կոտորող պետություն, երկրորդ՝ միջազգային իմիջում Հայաստանը կներկայացվի որպես ցեղասպան պետություն: Եթե Ադրբեջանը խոսում է կառուցողականությանից, ես՝ որպես փորձագետ, անվազն կարող եմ ենթադրել, որ դա բարենպաստ չէ հայկական կողմի համար, որովհետեւ Ադրբեջանը շուրջ 30 տարի երբեք չի համաձայնել հայկական որեւէ առաջարկի, որը, այսպես կոչված, կառուցողական կլիներ: Վտանգներն ավելի մեծ են, քան դրական ակնկալիքները: Զրուցեց ՍԵՎԱԿ ՎԱՐԴՈՒՅԱՆԸ

ԿԱՅՅԵԼԻ ՀԱՅԱՍՏԱՆ

Միջազգայնագետ Սուրեն Սարգսյանը հայտնում է, որ առաջիկայում Հայաստան կայցելի Ամերիկայի Կոնգրեսի ներկայացուցիչների պալատի ավելի մեծ պատվիրակություն: Ըստ նրա՝ ի տարբերություն Կոնգրեսի ներկայացուցիչների տան խոսակցության՝ առաջիկայում Երեւան այցելող 7 կոնգրեսականները հայամետ դիրքավորում չունեն, ավելին՝ նրանցից միայն մեկն է հայկական հանձնախմբի անդամ: «Ներկայացուցիչների պալատի ժողովրդավարության գործակցության ձեռագրի շրջանակներում են կոնգրեսականներն այցելելու Հայաստան: Նրանք այդ ձեռագրի շրջանակներում են տարբեր երկրներ այցելում, այդ թվում՝ մեր տարածաշրջան»,- ArmLur.am-ի հետ զրույցում ասում է Սարգսյանը: Մեր հարցին՝ ինչ «մեսիջով» են նրանք գալիս Հայաստան, արձագանքե՞ց՝ որեւէ կոնկրետ «մեսիջ» չկա: Հավելում է՝ նրանց հիմնական ասելիքը ժողովրդավարության զարգացման, պահպանման կոնցոլ հանդես գալն է. ամերիկացիները բարձր են գնահատում Հայաստանի ժողովրդավարության հոջակման ու դրա պահպանման հանձնառությունը: Մեր զրուցակիցը չի կարծում, թե կոնգրեսականների այցին ինչոր այլ գործընթաց կհաջորդի, որովհետեւ այդ այցը փոխգործակցության հարթակ է, ու հետագա գործողությունների մասով լուրջ ակնկալիքներ ունենալ պետք չէ:

Ի ՎԵՍՍ ԺՈՂՈՎՐԴԱՎԱՐՈՒԹՅԱՆ

«Մենք թերեւս կգնանք Սահմանադրական դատարան դիմելու ճանապարհով»,- այս տարվա հոկտեմբերի 4-ին հայտարարեցին 18 հասարակական կազմակերպություններ՝ Վահագն Յովակիմյանի նշանակումը ԿԸՀ նախագահի պաշտոնում խիստ անընդունելի համարելով: Խստորեն դատապարտում ենք իշխող քաղաքական կուսակցության կողմից ԿԸՀ նախագահի պաշտոնում կուսակցական անդամին նշանակելու մտտեցումը եւ պահանջում ենք վերանայել առաջադրումը... Նրա նշանակումը կլինի ապացույց նեղ խմբային քաղաքական շափառման արժեքների վրա որոշումների կայացման գործընթացում ժողովրդավարական սկզբունքների: Հանրային կարծիքը խիստ կարեւոր Նիկոլ Փաշինյանի իշխանությունը, սակայն, անտեսեց քաղաքացիական հասարակության կողմից բարձրացված խնդիրներն ու պահանջները՝ Վահագն Յովակիմյանին ընտրելով ԿԸՀ նախագահի պաշտոնում: Պարզվում է՝ միայն ԶԴ-ականների հազիվ 65 ձայնով ընտրված Վահագն Յովակիմյանը խախտել է «Հայաստանի Հանրապետության Ազգային Ժողովի պատգամավորի գործունեության երաշխիքների մասին» ՀՀ օրենքի 4-րդ հոդվածի 1-ին մասի պահանջները: Այս մասով են 34 սեկտորը Նոր հայտարարություն է տարածել եւ դիմել ԱԺ բոլոր խմբակցություններին՝ անհրաժեշտություն համարելով ստեղծել էթիկայի հանձնաժողով՝ քննելու պատգամավորի շահերի բախման ակնհայտ փաստը: Այս առիթով ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ, «Պատիվ ունեմ» խմբակցության անդամ Թագուհի Թովմասյանը «Ժողովուրդ» օրաթերթի հետ զրույցում ասաց. «Մենք թերեւս կգնանք ՀՀ սահմանադրական դատարան դիմելու ճանապարհով, քանի որ էթիկայի հանձնաժողովի ստեղծումը ոչինչ չի տալու: Այս պահին մեր իրավաբանները աշխատում են դիմումի վրա: Կենտրոնական ընտրական հանձնաժողովը ժողովրդավարական ցանկացած երկրում ամենակարեւոր ինստիտուտները մեկն է, որի ձեւավորումը չպետք է խնդրահարուց լինի կամ կասկածներ առաջացնի: Եթե Վահագն Յովակիմյանին ինքն չընտրեր, այդ պահին իրավիճակի դասավորվածությունն այնպիսին էր, որ Վահագնը չէր ընտրվելու: ԿԸՀ նախագահ: Նիկոլ Փաշինյանի իշխանությունը հերթական անգամ ապացուցում է, որ միակուսակցական դիկտատուրան իրենց համար առաջին պլանում է, եւ շափառի բախման ակնհայտ դրսեւորումների պայմաններում անգամ նրանք չեն խորշում կուսակցականին դարձնել անկախ կառույցի ղեկավար»:

ԱՌԱՋԻՆ ԴԵՍՔԵՐ

ՀՍՏԱԿ ՈՒՂԵՐԻՉՆԵՐ ԵՆ ՀՂԵԼ

Տարածաշրջանային երկրների ներկայացուցիչներն ու առաջին դեմքեր երեկ, իրար հաջորդելով, հայտարարություններ են արձակել, որոնք ուղղակիորեն են կապվում Հայաստանի հետ: Վազախասանի մայրաքաղաք Աստանայում, որտեղ ԱՊՀ ղեկավարների խորհրդի ներկայացուցիչներն են սեղանից, Ռուսաստանի, Իրանի ու Ադրբեջանի ղեկավարները խոսել են Հայաստան-Ադրբեջան հարաբերություններից, ինչպես նաեւ Արցախյան հակամարտությունից:

բար, մենք միշտ ուշադրություն ենք դարձնում տարածաշրջանում իրավիճակի կարգավորման հետ կապված հարցերին»,- Ադրբեջանի իր գործընկերոջ՝ Իլհամ Ալիեւի հետ հանդիպման ժամանակ նշել է Ռուսաստանի նախագահը: Ի հավելումն Ալիեւն էլ նշել է, որ Ադրբեջանը տրամադրված է Հայաստանի հետ երկարաժամկետ խաղաղության: «Բաքուն Երեւանի հետ շփումներում բավականին կառուցողական թեզեր է առաջարկել, որպեսզի այդ խաղաղությունը վերջնականապես ձեռք բերվի»,- հայտարարել է Ալիեւը: Պաշտոնական Թեհրանն էլ երիցս խոսել է Հայաստանի հետ պատմական սահմանների փոփոխման անթույլատրելիության մասին: Իրանի նախագահի աշխատակազմի ներկայացուցիչ Մոհամադ

Ջամշիդիի փոխանցմամբ՝ նախագահ Իրանիում Ռախիմ Ադրբեջանի նախագահ Ալիեւին հստակ ասել է՝ պատմական սահմանների, տարածաշրջանային աշխարհաքաղաքականության եւ Իրան-Հայաստան տարանցիկ երթուղիների ցանկացած փոփոխություն կարժանանա Իրանի վճռական պատասխանին: «Թեհրանը նաեւ դեմ է տարածաշրջանում ցանկացած եվրոպական ռազմական ներկայությանը»,- հավելել է Ջամշիդին: Նշենք, որ թե՛ Իրանի, թե՛ Ռուսաստանի նախագահների շուրթերից երեկ հնչած հայտարարություններից եզրակացնել կարելի է, որ նրանց այդքան էլ դուր չի գալիս տարածաշրջանում Արեւմուտքի ակտիվացումն ու իրենց խաղից դուրս մղելու եվրոպական մանևրումները: Ա. ՎԱՐԴՈՒՅԱՆ

ԻՐԱՎԻՃԱԿ

ԱՌԱՔԵԼՈՒԹՅՈՒՆ

ԵՄ-Ի ԱՌԱՔԵԼՈՒԹՅՈՒՆԸ ՀԱՅԱՍՏԱՆՈՒՄ

ՀԱՆԳԻՊՄԱՆԸ ՉԻ ՆԵՐԿԱՅԱՅԵԼ

ՀՀ ԿԳՄՍ նախարար Վահրամ Դումանյանը հոկտեմբերի 14-ի առավոտյան ընդունել է Վ. Բրյուսովի անվան պետական համալսարանի ռեկտոր Կարինե Զարուբանյանին:

ՀՀ կրթության, գիտության, մշակույթի եւ սպորտի նախարարության հասարակայնության հետ կապի եւ տեղեկատվության վարչությունից հայտնում են, որ ընթացել է կառուցողական բովանդակային զրույց:

Նախարարությունից փոխանցեցին, որ Վ. Բրյուսովի անվան պետական համալսարանի գիտական խորհրդի ընդլայնված նիստին մասնակցելու է ոլորտը համակարգող ՀՀ ԿԳՄՍ նախարարի տեղակալ Կարեն Թեղուկյանը: Նախարար Դումանյանը չի կարող մասնակցել նիստին՝ ծանրաբեռնված աշխատանքային գրաֆիկով պայմանավորված:

Հիշեցնենք, որ ArmLur.am-ն հայտնել էր, որ հոկտեմբերի 14-ին Վ. Բրյուսովի անվան պետական համալսարանում նախատեսված էր գիտական խորհրդի ընդլայնված նիստ, որը վերաբերելու էր բուհերի խոշորացմանը եւ, մասնավորապես, Վ. Բրյուսովի անվան պետական համալսարանը եւ Հայաստանի ֆիզիկական կուլտուրայի եւ սպորտի պետական ինստիտուտը էւ: Արժանի անվան հայկական պետական մանկավարժական համալսարանին միավորելու շուրջ հարցի քննարկմանը:

ԱՅԼԸՆՏՐԱՆԻ ՉԿԱ

«Այնպիսի տրեյլի եմ համարում, որ ցանկացած հայ ունենա հակառուսական կամ հակամերիկյան կեցվածք», - երեկ՝ հոկտեմբերի 14-ին, լրագրողների հետ ճեպագրույցի ընթացքում ասաց Արցախի ԱԳ նախարար Դավիթ Բաբայանը՝ անդրադառնալով Ֆրանսիայի նախագահ Մակրոնի հայտարարությանը, որտեղ նա ՌԴ-ին մեղադրում է Հայաստանի եւ Ադրբեջանի միջև վերջին բախումները «նպատակային սարքելու» համար:

«Նախ մենք սիյուռքային ժողովուրդ ենք, 3 մլն հայ է ապրում Ռուսաստանում: Այն ապուշը, որ հակառուսական կարծիքներ է արտահայտում, չի՞ մտածում մեր հայրենակիցների մասին, որ կարող է այդ կապը կտրվել: Կամ այն ապուշը, որ հակամերիկյան է, չի՞ մտածում, որ 2 մլն հայ կա ԱՄՆ-ում: Հետեւաբար Ռուսաստանը մեզ համար բարեկամ երկիր է, Արեւմուտքն էլ մեզ համար թշնամի չէ: Դրա համար մենք չենք տեսնում այլընտրանք ռուս խաղաղապաններին, բայց դա չի նշանակում, որ մենք դեմ ենք Արեւմուտքին: Ես անառողջ եմ համարում այս մեղադրանքները Ֆրանսիայի կողմից Ռուսաստանին. սա մեր գործը չէ: Շատ ավելի լավ կլիներ, որ այդ նույն ժողովրդավարական երկիրը հստակ ասի, որ չի տեսնում ժողովրդավարական Արցախը տոտալիտար Ադրբեջանի կազմում: Սա է ամենակարեւորը, որովհետեւ եթե Արցախի մազը ծովեց, դա լինելու է խայտառակություն ու խարան՝ իրենց գլխին դաջված», - ասաց նա:

Դավիթ Բաբայանը նաեւ նկատեց, որ ԱՄՆ-ն միակ երկիրն է, որ դեռեւս կարողանում է Թուրքիային զսպել. «Կանցնի 1-2 տարի, եւ դա կլինի անհնարին, եւ մենք կտեսնենք, որ կրկնվում է Նացիստական Գերմանիայի օրինակը, երբ օգնում էին, բայց այդ հրեշքը վերջում բոլորին վնաս տվեց»:

Ինչդեռ հայցնի է, Եվրամիության դեսպանները համաձայնել են Հայաստան ուղարկել ֆաղաբացիական առաքելություն, որը ղեկ է տեղակայվի Ադրբեջանի հետ սահմանի երկայնով վսահությունն ամրադնդելու եւ դեկմիսացիային նդասելու համար. այս մասին հայցնել է «Ազատություն» ռադիոկայանը: Այժմ արդեն ֆննարկվում են դրա իրականացման մանրամասները՝ ֆանիսն են լինելու, որ երկրներից, եւ երբ են ժամանելու Հայաստան:

Փորձենք հասկանալ, թե ինչ կարող են անել նման առաքելությունները, եւ ինչ պրակտիկա է առկա աշխարհում: Նկատենք՝ Եվրամիությունը քաղաքացիական առաքելություն ունի այս պահին 11 երկրներում, այդ թվում՝ հարեւան Վրաստանում՝ 2008 թվականի ռուս-վրացական պատերազմից հետո: Հենց մեր հարեւան երկրի փորձի հիման վրա փորձենք հասկանալ իրավիճակն ու ակնկալիքները:

Վրաստանում առաքելությունը կանգնած է Աբխազիայի եւ Վրաստանի սահմանին մեկ գծում եւ Զարավային Օսեթիայում երկու վայրում: Այստեղ դիտորդական առաքելությունը ժամանել է Ռուսաստանի եւ Վրաստանի կողմից համաձայնություն ստանալուց երկու շաբաթ հետո, եւ սովորաբար պրակտիկա է առկա, որ նրանց ժամանելը երկար չի տեւում:

Ընդգծենք՝ քաղաքացիական առաքելության անդամները չեն կարող իրենք հատել սահմանը եւ պետք է տեղակայված մնան եւ դիտարկումներ անցկացնեն միայն այդ վայրում: Դիցուք, մեր պարագայում առաքելության անդամները չեն կարող անցնել Ադրբեջան, քանի որ կարող են ենթարկվել ագրեսիայի կամ գերեզմարվել, ինչպես ՀՀ քաղաքացիները: Նրանք գնված չեն, հետեւաբար չեն կարող այդ առումով ազդեցություն ունենալ, եւ նրանց առաքելությունը միայն միջնորդական է: Օրինակ՝ եթե ինչ որ խնդիր է առաջանում, ապա նրանք կարող են զանգել ադրբեջանական կողմին եւ փորձել ընդհանուր հայտարարի հասնել, կարող են հենց սահմանին պարբերաբար հանդիպումներ կազմակերպել երկու կողմերի միջև:

Այսինքն՝ այն հանգամանքը, որ Ադրբեջանի նախագահ Իլիամ Ալիեւն ասել է, թե ինքը կաշխատի առաքելության հետ այնքանով, որքան կանչվի Ադրբեջանին, չի



խանգարելու աշխատանքին, քանի որ, այսպես, թե այնպես, նրանք տեղակայելու են հենց ՀՀ սահմանին: Առավոտից մինչեւ երեկո նրանք պետք է մշտադիտարկումներ անցկացնեն. եթե խախտումներ լինեն, արձանագրեն դրանք, ոչ ավելին:

Ըստ այդմ, ԵՄ առաքելության նպատակներն են՝

- ապահովել, որպեսզի ռազմական գործողությունները նորից չսկսվեն,
- նպաստել տեղացի բնակչության վերադարձին նորմալ կյանքի, որոնք ապրում են այդ տարածքներում,
- ամրապնդել կոնֆլիկտի կողմերի միջեւ վստահությունը:

Հարեւան Վրաստանում քաղաքացիական առաքելության անդամների թվում ԵՄ երկրների ցանկից մեծ թիվ են կազմում Գերմանիայի ներկայացուցիչները,

իսկ Լյուքսեմբուրգից առհասարակ բացակայում են՝ հաշվի առնելով այդ երկրի փոքր լինելը, ինչպես նաեւ այլ առաջնահերթությունները: Հայաստանի դեպքում ես հստակ չեմ, թե քանի երկրից եւ քանի ներկայացուցիչներ կկանգնեն ՀՀ սահմանին եւ քանի ուղղություններով, սակայն մեր դեպքում ես ուղղությունները մի քանիսը կլինեն:

Հավելենք, որ սկզբնական շրջանում Վրաստանի սահմանին եւս լարված է եղել, սակայն մինչեւ այժմ արտառոց միջադեպեր այլեւս չեն գրանցվել, եւ անգամ Աբխազիայի բնակիչները կամուրջի օգնությամբ կարողանում են գալ Վրաստան. Օսեթիայի համար նոր է հնարավորություն ստեղծվել գալ Վրաստան, սակայն միայն հատուկ օրերի:

ՆԱԽՐԱ ՀՈԿՅԱՆՆԻՍՅԱՆ

ՕՐՎԱ ԽՃԱՆԿԱՐ

ԺԱՄԱՆԵԼ Է ԵՐԵՎԱՆ

Եվրամիության՝ Զարավային Կովկասում եւ Վրաստանում ճգնաժամային հարցերով ԵՄ հատուկ ներկայացուցիչ Տոյվո Կլաարը «Թվիթթեր»-ի իր էջում լուսանկար է հրապարակել Եվրամիության առաքելության ժամանումից եւ հայտնել, որ ԵՄ դիտորդների առաջին խումբը ժամանել է Երեւան:

«Երեկ ԵՄ դիտորդների առաջատար խումբը ժամանել է Երեւան: 27 անդամ երկրներն արագ արձագանքել են Հայաստանի խնդրանքին:

Տեղակայման նպատակը լինելու է իրավիճակի մշտադիտարկումը եւ տեղում Հայաստանին ու Ադրբեջանին աջակցության տրամադրումը իրավիճակի կայունացման նպատակով», - գրել է Կլաարը:

Հիշեցնենք՝ ՀՀ վարչապետ Նիկոլ Փաշինյանի, Ադրբեջանի նախագահ Իլիամ Ալիեւի, Ֆրանսիայի նախագահ Էմանուել Մակրոնի եւ Եվրամիության նախա-

գահ Շառլ Միշելի՝ 2022 թվականի հոկտեմբերի 6-ին կայացած հանդիպման արդյունքներով կողմերը հանդես էին եկել հայտարարությամբ, որում նաեւ նշվում էր, որ Հայաստանը համաձայնություն է տվել Ադրբեջանի հետ սահմանի երկայնքով ԵՄ դիտորդական առաքելություն տեղակայելուն:

ՀԱՆԳԻՊԵԼ Է ԵՎԵՅՑՑԱՐԱՅԻ ՊԱՏԳԱՄԱՎՈՐՆԵՐԻՆ

Հոկտեմբերի 14-ին Ան քարտուղար Արմեն Գրիգորյանը հանդիպել է Շվեյցարիայի խորհրդարանի պատվիրակության հետ: Պատվիրակության կազմում էին հայ-շվեյցարական բարեկամության խմբի անդամ Շտեֆան Մյուլեր Ալտերմատը, դաշնային պատգամավոր Միշել Մատերը, ՀՀ-ում Շվեյցարիայի դեսպան Լուկաս Ռոզենկրաքը եւ հայ-շվեյցարական բարեկամության խմբի գլխավոր քարտուղար Սարգիս Շահինյանը:

Աժ գրասենյակից հայտնում են, որ Ան քարտուղարը ներկայացրել է ինքնիշխան տարածքի նկատմամբ Ադրբեջանի կողմից սանձազերծված վերջին ագրեսիան եւ դրա հետեւանքները: Գրիգորյանն ընդգծել է, որ Ադրբեջանի այս գործողությունները նաեւ հարձակում է՝ ուղղված Հայաստանի ժողովրդավարությանը:

Շտեֆան Մյուլեր Ալտերմատն ընդգծել է, որ Շվեյցարիան հաստատակամ է՝ նպաստելու Հայաստանում ժողովրդավարական ինստիտուտների զարգացմանը: Այս համատեքստում պարոն Մյուլեր Ալտերմատը բարձր է գնահատել Հայաստանում անցկացված խորհրդարանական եւ համայնքային ժողովրդավարական ընտրությունները:

Հանդիպման շրջանակներում զրուցակիցները նաեւ քննարկել են ինչպես երկրորդ, այնպես էլ բազմակողմ համագործակցության առնչվող հարցերի լայն շրջանակ՝ ներառյալ տնտեսական համագործակցության ընդլայնման հեռանկարներն ու հնարավորությունները:

ԻՐԱՎԱԿԱՆ

ԱՍԾ ԲԱՅԱՐԱՅՏՈՒՄԸ

60 ՀԱԶԱՐ ԴՈՒՆԱՐԻ ԿԱՇՆԱՌՔ

Կոռուպցիայի հակազդման ուղղությամբ...



Նապարհին նույն գործով մեղադրյալ Ա.Յ-ի վարած ավտոմեքենայով կատարված մահվան էլքով վրաերթի դեպքի առթիվ ՀՀ քննչական կոմիտեում...

Վերը նշված դեպքերի առթիվ ՀՀ հակալուծարարին կոմիտեում ՀՀ քրեական օրենսգրքի 435-րդ հոդվածի 3-րդ մասի 3-րդ կետով...

ԼՈՒՐԵՐ

ԴԱՏԻ Է ՏՎԵԼ

ArmLur.am-ին հայտնի դարձավ, որ ՀՀ քննչական կոմիտեի Երեւան քաղաքի քննչական վարչության Երեւան քաղաքի Կենտրոն եւ Նորք-Մարշաք վարչական շրջանների քննչական երրորդ բաժնի ՀՀ քննչական կոմիտեին: Կերչինս պահանջում է, որ 11.08.2022թ. թիվ 1003-Ս հրամանն անվավեր ճանաչել եւ, որպես հետեւանք, հայցվորին նախկին աշխատանքում վերականգնել եւ վերջինիս միջին աշխատավարձի գումարը՝ պարապուրդի ամբողջ ժամանակահատվածի համար, բռնագանձեն: Ասել է թե՛ ՀՀ քննչական ազատել եւ պաշտոնից, եւ նա այդ ազատումը վիճարկում է դատարանում: ՔՍՈՒՄՆԻՎՅԱԼ

ՉԵՐԲԱԿԱՎԵԼ Է 5 ԱՆՉ

Սիմֆերոպոլի շրջանային դատարանը կալանավորել է Ղրիմի կամրոջի վրա ահաբեկչական գործողության քրեական գործով անցնող հինգ անձանց...

ԽՈՒԼԻԳԱՆՈՒԹՅԱՆ ԴԵՊԵ

ՀՀ քննչական կոմիտեի Արարատի մարզային քննչական վարչությունում նախաձեռնված քրեական վարույթի շրջանակներում իրականացվում են քննչական եւ վարույթային այլ գործողություններ՝ Արարատի մարզում գտնվող ռեստորանային համալիրում տեղի ունեցած խուլիգանության դեպքի բոլոր հանգամանքները պարզելու ուղղությամբ: ԶԿ-ից հայտնում են, որ, նախնական տվյալներով, 2022 թվականի հոկտեմբերի 12-ին ժամը 23:55-ի սահմաններում, Արտաշատ-Մասիս ճանապարհին հարակից ռեստորանային համալիրի ավտոկայանատեղիում վիճաբանություն է տեղի ունեցել մի խումբ երիտասարդների միջև, որի ընթացքում նրանցից մեկի կանչով նշված վայր են ժամանել երկու անձ: Մոտենալով երիտասարդներին՝ նրանցից մեկը մի քանի կրակոց է արձակել, որից հետո նստելով «Մերսեդես» մակնիշի ավտոմեքենան՝ հեռացել են: Նախաքննչական ընթացքում կատարված դեպքի վայրի զննությամբ հայտնաբերվել են ատրոմանակի 3 հատ կրակված պարկուճ եւ արնաման հետքեր, վերցվել է հիշյալ ռեստորանային համալիրի տարածքի տեսանկարահանող սարքերի հիշողության պահպանման սարքը, հարցաքննվել են մի շարք անձինք: Քրեական վարույթի շրջանակներում 3 անձ ձերբակալվել է: Ձեռնարկվում են անհրաժեշտ միջոցառումներ՝ դեպքի բոլոր հանգամանքները, ենթադրյալ հանցագործությունը կատարած անձանց շրջանակը պարզելու, հանցագործության գործիքը հայտնաբերելու ուղղությամբ: Նախաքննչական շարունակվում է:

ՅՈՒՐԱՅՈՒՆ Է

ArmLur.am-ին հայտնի դարձավ, որ Հարություն Երվանդի Վարդույանին մեղադրանք է առաջադրվել այն բանի համար, որ նա, 2008 թվականի հոկտեմբերի 31-ից մինչ օրս զբաղեցնելով «Երեւանի Մալաթիա-Մեքսիկա մանկադասանկական համալիր մարզադպրոց» ՀՈԱԿ-ի սփորտի ղեկավար, ծառայողական լիազորություններն օգտագործելով, ունենալով մեկ միասնական դիսկոնթրոլի համակարգի երեւանի քաղաքապետարանի կողմից իրավաբանորեն ազատ կամքով հանձնված առանձնադրույթ խոսք չափերի՝ 25.187.484 (բաճկանից հարյուր ութսունը հազար չորս հարյուր ութսունչորս) ՀՀ դրամ գումարը, օրինական հիմքերով իր կողմից դեկավրվող ՀՈԱԿ-ում գրանցված, սակայն փաստացի աշխատանքի չհաճախող Վարդան Արաբյանի օժանդակությամբ, հոգուս վերջինիս, հասցեսակել է 4.035.314 ՀՀ դրամ, Մոսկվայի օժանդակությամբ, հոգուս վերջինիս, հասցեսակել է 3.403.499 ՀՀ դրամ, ՀՈԱԿ-ի փոխտնօրեն Ալեքսանդր Զովհաննիսյանի հոր՝ Մարգրետ Զովհաննիսյանի օժանդակությամբ, հոգուս վերջինիս, հասցեսակել է 63.400 ՀՀ դրամ, մայրիկի՝ Սարիկ Վահագի Ֆերոյանի օժանդակությամբ, հոգուս վերջինիս, հասցեսակել է 4.118.360 ՀՀ դրամ, կնոջ՝ Անի Թեմանի Զոհրաբյանի օժանդակությամբ, հոգուս վերջինիս, հասցեսակել է 4.307.253 ՀՀ դրամ եւ վերջինիս հոր՝ Թեմանի Անդրանիկի Զոհրաբյանի օժանդակությամբ, հոգուս վերջինիս, հասցեսակել է 1.079.707 ՀՀ դրամ: Նույն ժամանակահատվածում իր կնոջ՝ Բեյլա Վարդույանի օժանդակությամբ, հոգուս վերջինիս, հասցեսակել է 1.448.722 ՀՀ

դրամ, Հարություն Նալբանդյանի օժանդակությամբ հասցեսակել է 448.104 ՀՀ դրամ գումար, ինչպես նաեւ հասցեսակել է Մոսկվայի օժանդակությամբ ելագրված 5.845.339 ՀՀ դրամ գումարը՝ այն դարձնելով իրենը:

Միաժամանակ, հափշտակել է «Երեւանի Մալաթիա-Մեքսիկա մանկապատանեկան համալիր մարզադպրոց» ՀՈԱԿ-ում գրանցված եւ փաստացի աշխատողներ հանդիսացող Գարիկ Բաղդասարյանի եւ Ալեքսանդր Ղամբարյանի ժամանակավոր բացակայության ընթացքում նրանց անվամբ փոխանցված համապատասխանաբար 170.884 ՀՀ դրամ եւ 266.902 ՀՀ դրամ գումար աշխատավարձերը, որոնք նույնպես այն դարձրել է իրենը: ՔՍՈՒՄՆԻՎՅԱԼ

ՀԱՍԱՐԱԿՈՒԹՅՈՒՆ

ՄԱՐԶ

ՓԱԿԵԼ Է ԳՊՐՈՑԻ ԳՌԵՐԸ

Տավուշի մարզի Բերդ համայնքի սահմանամերձ Պառավաքար գյուղից լրագրողիս զանգահարած ծնողը բողոքեց, որ գյուղի միջնակարգ դպրոցի տնօրեն Նաիրա Ղայթամյանն այս ուսումնական տարվա սկզբից սեպտեմբերի 1-ից ամեն առավոտ՝ ժամը 9-ից, փակել է տալիս դպրոցի դռները, եւ անգամ մի քանի րոպե ուշացած աշակերտները չեն կարողանում մտնել կրթօջախ: Դասից ուշացած աշակերտները հուսահատ նստում են դպրոցի դիմաց գտնվող պատին. նրանք այդ օրը չեն կարողանում մասնակցել դասերին: Կես ժամ քայլած, գյուղի ծայրին գտնվող իրենց տնից դպրոց հասած աշակերտը մի քանի րոպե ուշանալու պատճառով բաց է թողնում դասերը: Պառավաքարի ծնողը հայտնեց, որ դպրոցի տնօրենը փակել է տալիս նաեւ դպրոցի բակ տանող դուռը, օրվա ընթացքում աշակերտները հնարավորություն չեն ունենում օգտվելու դպրոցի տարածքում գտնվող ցայտադրույրից, ստիպված ջուր են խմում դպրոցի շենքում գտնվող զուգարանի ծորակից, ինչից աշակերտները դժգոհում են: Ն. Ղայթամյանը 3 անգամ անընդմեջ մասնակցել է դպրոցի տնօրենի թափուր պաշտոնի համար անցկացված մրցույթներին: Նա Տավուշի մարզպետ Հայկ Ղալումյանի որոշումով 2022թ. մարտի 9-ին նշանակվել է Պառավաքարի միջնակարգ դպրոցի տնօրենի ժամանակավոր պաշտոնակատար: Տավուշի մարզպետ Հայկ Ղալումյանը, հիմք ընդունելով Պառավաքարի միջնակարգ դպրոցի կառավարման խորհրդի 2022թ. հունիսի 14-ի թիվ 8 արձանագրությունը, որոշել է Ն. Ղայթամյանին հունիսի 16-ից նշանակել «Հայաստանի Հանրապետության Տավուշի մարզի Էդիկ Մելքոնյանի անվան Պառավաքարի միջնակարգ դպրոցի հանրակրթական ուսումնական հաստատություն» պետական ոչ առետրային կազմակերպության տնօրեն եւ նրա հետ հետ կնքել աշխատանքային պայմանագիր՝ 5 տարի ժամկետով: Զանգահարեցի Պառավաքարի դպրոցի տնօրենին, Ն. Ղայթամյանն ասաց, որ ինքը փորձում է Պառավաքարի դպրոցը դպրոց դարձնել, հայտնեց, որ ժամը 9-ից դպրոցի դռները փակելու որոշումը ինքը համաձայնեցրել է դպրոցի ծնողական խորհրդի հետ: Նրանից տեղեկացա, որ ինքն այս տարի դարձել է «Քաղաքացիական պայմանագիր» կուսակցության անդամ, 2022 թվականի սեպտեմբերի 25-ին կայացած Բերդ խոշոր համայնքի ավագանու համամասնական ընտրություններում եղել է «Քաղաքացիական պայմանագիր» կուսակցության ավագանու թեկնածուների 58-հոգանոց ցանկի 21-րդ համարը: Նաիրա Ղայթամյանը հուզվեց իմ հարցերից, ասաց, որ մինչեւ հիմա հավատում էր լրագրողի իմ անաչառությանը, սպառնաց, որ իմ կողմից սխալ բաներ գրվելու դեպքում ինքը կդիմի «համապատասխան օրգաններին»:

ՈՍԿԱՆ ՍԱՐԳՅԱՆ Տավուշ

ՊԱՇՏՈՆԱՎԱՐՈՒՄ

ՎՏԱՆԳԻ ՏԱԿ Է ՎԱՐԿԱՆԻՇԸ

ՀՀ ԱԺ ղեկավար-իրավական հարցերի մեծական հանձնաժողովը Կենտրոնական ընտրական հանձնաժողովի նախագահի դաժնում ընտրելու համար առաջարկել էր «Քաղաքացիական պայմանագիր» խմբակցության կողմից առաջադրված ՀՀ ԱԺ ղեկավար-իրավական հանձնաժողովի նախագահի տեղակալ Վահագն Հովակիմյանի թեկնածությունը: ՀՀ ԱԺ-ն 2022 թվականի հոկտեմբերի 7-ին հրավիրված Ազգային ժողովի արտահերթ նիստում քննարկել է Կենտրոնական ընտրական հանձնաժողովի նախագահի թեկնածու Վահագն Հովակիմյանի ընտրության հարցը:



Ռո իրավաձի 5-րդ մասում նշված պաշտոնների, ինչպես նաեւ որպես Ազգային ժողովի կողմից ընտրվող պաշտոնում թեկնածու՝ իր ելույթի: Խիստ անընդունելի է, որ ԿԸՀ նախագահի պաշտոնում «Քաղաքացիական պայմանագիր» խմբակցությունն ընտրել է խմբակցության անդամ Վահագն Հովակիմյանին, որը դեռեւս չսկսած իր պաշտոնավարումը, այս քվեարկությանը մասնակցելով՝ թույլ է տալիս շահերի բախում: Վահագն Հովակիմյանը, լինելով պատգամավոր, միաժամանակ ընտրվում է ԿԸՀ նախագահի պաշտոնում օգտագործելով իր պատգամավորական լիազորությունները իրեն այդ պաշտոնում հաստատապես ընտրելու համար՝ ՔՊ միասնական ծայրերին ավելացնելով իր վճռորոշ ձայնը (ընտրության համար անհրաժեշտ է եղել առնվազն 65 ձայն): Նման գործընթացով Վահագն Հովակիմյանին ԿԸՀ նախագահի պաշտոնում ընտրելով՝ վտանգի տակ է դրվելու նոր ձեւավորված Կենտրոնական ընտրական հանձնաժողովի վարկանիշը՝ անկախ մյուս անդամների աջխառնակից որակից, ջանասիրությունից եւ անկողմնակալությունից: Վահագն Հովակիմյանի դրսևորած վարքագիծը անընդունելի է ակնկալվող հանրային բարձր հեղինակություն վայելող եւ սահմանադրական մարմնի դեկլարի պաշտոնը զբաղեցնող անձի համար, սովորաբար է ԿԸՀ ձեւավորման գործընթացը եւ կառույցի հեղինակությունը,

խաթարում է հանրային վստահությունը դրա նկատմամբ: Ի լրումն սույն թվականի հոկտեմբերի 4-ի մի խումբ հասարակական կազմակերպությունների կողմից «Իշխող քաղաքական կուսակցության կողմից ԿԸՀ նախագահի պաշտոնում կուսակցական անդամին նշանակելու մոտեցման դատապարտման մասին» հայտարարությանը՝ անհրաժեշտ ենք համարում դիմել ՀՀ Ազգային ժողովի բոլոր խմբակցություններին՝ ԱԺ պատգամավոր եւ ԿԸՀ նախագահի թեկնածու Վահագն Հովակիմյանի կողմից «Հայաստանի Հանրապետության Ազգային ժողովի պատգամավորի գործունեության երաշխիքների մասին» ՀՀ օրենքով պատգամավորի շահերի բախմանն առնչվող պահանջների խախտման հարցը քննարկելու նպատակով ԱԺ պատգամավորական էթիկայի հարցերով ժամանակավոր հանձնաժողով ստեղծելու վերաբերյալ նախագիծ ներկայացնելու կոչով: Ներքոստորագրյալ հասարակական կազմակերպությունները խստորեն դատապարտում են «Քաղաքացիական պայմանագիր» խմբակցության կողմից սահմանադրական մարմինների բարձրագույն պաշտոններում բարեվարքության նման հատկանիշներ դրսևորող քաղաքական պաշտոնյաների առաջադրումը եւ շահերի բախման պայմաններում պաշտոններում ընտրությունը. դրանք ի չիք են դարձնում կոռուպցիայի կանխարգելման վերաբերյալ հանրության ընկալումների դրական միտումները եւ հանգեցնում զգալի ռիսկերի՝ կոռուպցիայի տարածման, նոր ձեւավորվող ժողովրդավարական հիմքերի ամրապնդման ու ընտրական ինստիտուտների կայացման գործում: «Թրանսփարենտիս Ինթերնեշլ հակակոռուպցիոն կենտրոն» ՀԿ

Իրավունքի զարգացման եւ պաշտպանության հիմնադրամ «Ռեսուրս» գիտակրթական հիմնադրամ «Հելսինկյան քաղաքացիական ասամբլեայի Վանաձորի գրասենյակ» ՀԿ «Ժողովրդավարների «Ասպարեզ» ակումբ» ՀԿ Իրազեկ քաղաքացիների միավորում

ԼՈՒՐԵՐ

ՊԵՆ ԲԱՑԱՐԱՅՏՈՒՄ

Պետական եկամուտների կոմիտեն 2-խարտության ոլորտի եւ հատուկ հսկողություն պահանջող խոշոր հարկ վճարողների հարկային կարգապահության բարելավման ծրագրերի շրջանակում 2022 թ. 3-րդ եռամսյակի ընթացքում բացահայտել է աշխատողի չձեւակերպման ու ՀԳՄ-ի կիրառման կանոնների խախտման դեպքեր: Ռիսկերի խորհրդի կողմից ընտրված տնտեսական գործունեության առանձին ոլորտներում գործունեություն ծավալող հարկ վճարողների մոտ իրականացվել է կարգապահական վարքագծի վերլուծություն: Արդյունքում 2-խարտության ոլորտում գործունեություն իրականացնող 16 հարկ վճարողների մոտ արձանագրվել է աշխատողի չձեւակերպման 16 խախտման դեպք, իսկ հատուկ հսկողություն պահանջող խոշոր 81 հարկ վճարողների մոտ արձանագրվել է աշխատողի չձեւակերպման 17 խախտման դեպք եւ ՀԳՄ-ի կիրառման կանոնների խախտման 65 դեպք: Նշենք, որ Պետական եկամուտների կոմիտեի հարկային եւ մաքսային կարգապահության բարելավման ռազմավարության

ու դրանից բխող միջոցառումների արդյունավետ եւ օպերատիվ իրականացման ապահովումը համակարգվում է Ռիսկերի խորհրդի կողմից:

ԱՐՁԱԿՈՒՐԳՆԵՐ

ՀՀ կրթության, գիտության, մշակույթի եւ սպորտի նախարարի հրամանով հաստատված հանրակրթական հիմնական ընդհանուր, մասնագիտացված եւ հատուկ պետական ծրագրեր իրականացնող ուսումնական հաստատությունների 2022-2023 ուսումնական տարիների օրինակելի ուսումնական պլաններում սահմանվել են դպրոցականների արձակուրդների օրերը: Ինչպես հայտնում են ԿԳՄՍ նախարարությունից, 2022-2023 ուսումնական տարում 3-12-րդ դասարանների սովորողներին տրվում են արձակուրդներ՝ աշնանային՝ 2022 թ. հոկտեմբերի 24-30-ը ներառյալ, ձմեռային՝ 2022 թ. դեկտեմբերի 26-ից 2023 թ. հունվարի 8-ը ներառյալ, գարնանային՝ 2023 թ. մարտի 27-ից ապրիլի 2-ը ներառյալ: Առաջին դասարանցիների աշնանային արձակուրդը տրվում է 2022 թ. հոկտեմբերի

17-30-ը ներառյալ, ձմեռայինը՝ 2022 թ. դեկտեմբերի 26-ից 2023 թ. հունվարի 22-ը ներառյալ, գարնանայինը՝ 2023 թ. մարտի 20-ից ապրիլի 2-ը ներառյալ: Երկրորդ դասարանցիների աշնանային արձակուրդը տրվում է 2022 թ. հոկտեմբերի 24-30-ը ներառյալ, ձմեռայինը՝ 2022 թ. դեկտեմբերի 26-ից 2023 թ. հունվարի 22-ը ներառյալ, գարնանայինը՝ 2023 թ. մարտի 27-ից ապրիլի 2-ը ներառյալ: Ըստ ուսպլանի՝ ԿԳՄՍ նախարարությունն անհաղթահարելի ուժի առաջացման դեպքում (եղանակային անբարենպաստ պայմաններ, սուր վարակիչ հիվանդությունների տարածում, տարերային աղետ եւ այլն) կարող է սահմանել լրացուցիչ արձակուրդ՝ կատարելով փոփոխություններ ուսումնական պարապմունքների եւ սովորողների համար սահմանված արձակուրդների ժամանակացույցներում: Այդ փոփոխությունները կարող է կատարել նաեւ ուսհաստատությունը՝ բաց թողնված ժամերը մինչեւ ուսումնական պարապմունքների ավարտը լրացնելու կամ ուսումնական պարապմունքները հեռավար եղանակով կազմակերպելու՝ լիազոր մարմնին տեղեկացնելու պայմանով:

● Անցած 1 օրվա ընթացքում Հայաստանում արձանագրվել է 13 ՃՏՊ. 17 մարդ ստացել է տարբեր աստիճանի մարմնական վնասվածքներ:

ԼՈՒՐԵՐ

ՊԵՂՄԱՆ ԱՇԽԱՏԱՆՔՆԵՐ

«Լուրի բերդ» քաղաքատեղի պատմամշակութային արգելոցի տարածքում ընթացող պեղման աշխատանքների ժամանակ մեծ թվով ջրառակված թասիկների ու պնակների բեկորներ են հայտնաբերվել: «Պատմամշակութային արգելոց-թանգարանների պատմական միջավայրի պահպանության ծառայություն» ՊՈԱԿ-ից հայտնում են, որ հնագիտական կյուրթը թվագրվում է 11-13-րդ դդ.-ին: Արշավախմբի ղեկավար Արման Նալբանդյանի խոսքով՝ հոյակապ այս խեցեղենը բացվել է ամրոցի պարսպապատին հարող տարածքում կիսաշրջանաձև խորշի մեջ, որ, ամենայն հավանականությամբ, տնտեսական նշանակության կառույց է եղել: Դրանք երբեմն բացվում էին իրար կողք շարված, երկուսն էլ, որ իրենց նախնական տեղում են: Հետագայում, ծածկվելով հողի հաստ շերտով ու փլատակներով, երկար դարեր մնացել են անհայտ:

Ջարգացած միջնադարի այս հոյակապ նմուշները ցույց են տալիս Լուր ամրոցում մշակութային բարձր զարգացվածության աստիճանը, որն իր զուգահեռներն ունի Անիում եւ Դվինում: Հայտնաբերված խեցեղենը ունի նուրբ գույների գեղեցիկ համադրությամբ արված երկրաչափական ու բուսական սիմետրիկ զարդանախշեր, իսկ մոտ 15 թասեր կրում են թռչունների (կաքավներ) պատկերներ: «Լուրի բերդ» քաղաքատեղի պատմամշակութային արգելոցի տարածքում պեղումներն իրականացնում է «Պատմամշակութային ժառանգության գիտահետազոտական կենտրոն» ՊՈԱԿ-ի արշավախումբը (ղեկ՝ Արման Նալբանդյան)՝ ՀՀ ԿԳՄՍ նախարարության հատկացրած առանձին դրամաշնորհով:

ՀԱՆՐԱՅԻՆ ՄՆԵՂԻ ՕԲՅԵԿՏ

ՀՀ սննդամթերքի անվտանգության տեսչական մարմնի Երեւանի կենտրոնի տեսուչները վերահսկողություն են իրականացրել անհատ ձեռնարկատեր Արտակ Խաչատրյանին պատկանող հանրային սննդի օբյեկտում (ք. Երեւան, Նորք-Մարաշ) եւ պարզել, որ վերջինս գործում է սանիտարահիգիենիկ խախտումներով,

մասնավորապես՝
- առատադեղները նախագծված եւ կառուցված չեն այնպես, որ կանխարգելի կամ նվազեցնի կեղտի կուտակումը, գոլորշու խտացումը, անցանկալի բորբոսների աճը եւ մասնիկների թափվելու հնարավորությունը,
- աշխատանքային մակերեսների մի մասը՝ ներառյալ սննդամթերքի հետ անմիջական շփման մեջ գտնվողները, պատրաստված չեն քայքայմամշման (կոռոզիայի) չեղարկվող նյութերից,
- սարքավորումների մի մասը, որոնք անմիջական շփման մեջ են գտնվում սննդամթերքի հետ, կառուցված չեն հիգիենայի պահանջները բավարարող նյութերից, որպեսզի աղտոտման ցանկացած վտանգ հասցնի նվազագույնի:
ՍԱՏՍ ղեկավարի որոշմամբ՝ հանրային սննդի օբյեկտի գործունեությունը կասեցվել է, սահմանվել է ժամկետ խախտումները վերացնելու համար:

2022-2023 ՈՒՍԱՐԻ

ՕԼԻՄՊԻԱԴԱՆԵՐԻ ԱՆՑԿԱՑՄԱՆ ԸՆԹԱՑԱԿԱՐԳԵՐ

ՀՀ կրթության, գիտության, մշակույթի եւ սպորտի նախարարի հրամանով հաստատվել են դորոցականների՝ 2022-2023 ուսումնական տարվա «Մաթեմատիկա», «Ֆիզիկա», «Աստղագիտություն», «Կենսաբանություն», «Ինֆորմատիկա», «Քիմիա» եւ «Աշխարհագրություն» առարկաների օլիմպիադաների անցկացման ընթացակարգերը, ինչպես նաեւ առարկայական օլիմպիադաների մարզային (Երեւանի քաղաքային) եւ հանրադեպական փուլերի ժամկետները:

ԿԳՄՍ-ից հայտնում են, որ դպրոցականների օլիմպիադաները կազմակերպվում են երեք՝ առաջին (դպրոցական), երկրորդ (մարզային) եւ երրորդ (հանրապետական) փուլերով, որոնք անցկացվում են համապատասխան խմբերով՝ ըստ դասարանների: Օլիմպիադայի բոլոր փուլերի տարբերակները՝ ըստ խմբերի, կազմում է հանրապետական առարկայական հանձնաժողովը:

Առաջին փուլն անցկացվում է դպրոցում, որին կարող է մասնակցել ցանկացած սովորող՝ այդ մասին տեղեկացնելով դպրոցի տնօրինությանը: Օլիմպիադայի առաջին փուլն անցկացվում է 2022թ. նոյեմբեր-դեկտեմբեր ամիսներին: Դպրոցականների օլիմպիադայի առաջին փուլի արդյունքները չեն բողոքարկվում:

Երկրորդ փուլն անցկացվում է մարզպետարանների (Երեւանի քաղաքապետարանի) սահմանած վայրում 2023թ. հունվար-փետրվար ամիսներին: Հանրապետական կազմկոմիտեի որոշման համաձայն՝ երկրորդ փուլին մասնակցում են առաջին փուլում լավագույն արդյունքներ ցուցաբերած աշակերտները: Օլիմպիադայի երկրորդ փուլի աշխատանքների արդյունքների բողոքարկումը կատարվում է օլիմպիադայի անցկացման վայրում առարկայական հանձնաժողովի նշանակած ժամին: Երկրորդ փուլի հաղթողները պարգևատրվում են մարզպետարանների (Երեւանում՝ քաղաքապետարանի) դիպլոմներով եւ գովասանագրերով:

Նշենք նաեւ, որ «Կենսաբանություն» առարկայի օլիմպիադային մարզային



փուլն անցկացվում է տեսական եւ գործնական փուլերով:

Երրորդ փուլն անցկացվում է ՀՀ ԿԳՄՍ նախարարության սահմանած վայրում 2023թ. փետրվարի 17-ից մինչեւ մայիսի 15-ը: Երրորդ փուլին մասնակցում են երկրորդ փուլում լավագույն արդյունքներ ցուցաբերած մասնակիցները՝ համաձայն հանրապետական կազմկոմիտեի որոշման: Օլիմպիադայի երրորդ փուլի աշխատանքների արդյունքների բողոքարկումը կատարվում է օլիմպիադայի անցկացման վայրում առարկայական հանձնաժողովի նշանակած ժամին: Երրորդ փուլի մասնակիցներին տրվում են օլիմպիադայի մասնակցության հավաստագրեր, իսկ հաղթողները պարգևատրվում են ՀՀ ԿԳՄՍ նախարարության դիպլոմներով:

Օլիմպիադայի երրորդ փուլի 10-12-րդ դասարանների դիպլոմակիրները համարվում են միջազգային օլիմպիադաների ՀՀ թիմի հավակնորդներ:

«Ֆիզիկա», «Քիմիա», «Աշխարհագրություն» եւ «Կենսաբանություն» առարկաների օլիմպիադաների հանրապետական փուլերն անցկացվում են տեսական եւ գործնական, իսկ «Մաթեմատիկա» եւ «Ինֆորմատիկա» առարկաներինը՝ երկու տեսական փուլերով:

Դպրոցական օլիմպիադային մասնակցող աշակերտների անվանացուցակների ձեւանմուշները, առաջադրանքները, պատասխանները, արդյունքները եւ օլիմպիադայի վերաբերյալ այլ տեղեկությունները տեղադրվում են www.olymp.am եւ lib.amedu.am կայքերում:

ՆԱԽԱԳԾԵՐ

ՀԱՆՐԱՅԻՆ ՔՆՆԱՐԿՄԱՆ ԵՆ ԴՐՎԵԼ

ՀՀ կրթության, գիտության, մշակույթի եւ սպորտի նախարարությունը հանրային ֆինանսման է ներկայացրել ՊԵՏԱԿԱՆ ՀԱՆՐԱՅԻՆ ՔՆՆԱՐԿՄԱՆ ՈՍՈՒՄՆԱԿԱՆ ՀԱՍՏԱՏՈՒՅՄԱՆ ՏՆՕՐԵՆԻ ՔԱՓՈՒՐ ՏԵՂԻ ՄՐԳՈՅՔԻ ՀԱՅՏԱՐԱՐՄԱՆ, ԱՆԳՎԱԳՄԱՆ, ՄԱՍՆԱԳԻՏԱԿԱՆ ՀԱՆՈՒՄՆԱԿԱՆ ԴԵՎՈՒՄԱՆ, ԳՈՐԾՈՒՆԵՈՒՅՄԱՆ ԵՎ ՏՆՕՐԵՆԻ ՈՐՈՇՈՒՄԱՆ ԵՎ ՊԵՏԱԿԱՆ ՈՍՈՒՄՆԱԿԱՆ ՀԱՍՏԱՏՈՒՅՄԱՆ ՀԱՄԱԿԱՐԳՈՂԻ ՔԱՓՈՒՐ ՏԵՂԻ ՄՐԳՈՅՔԻ ՀԱՅՏԱՐԱՐՄԱՆ, ԱՆԳՎԱԳՄԱՆ ԵՎ ՈՐՈՇՈՒՄԱՆ ԿԱՐԳԵՐԻ ՆԱԽԱԳԾԵՐԸ:

ԿԳՄՍ-ից հայտնում են, որ նախագծերի անհրաժեշտությունը բխում է «Հանրակրթության մասին» օրենքի փոփոխության պահանջից, որտեղ ամրագրված է ուսուցաստույթի մեթոդներում կառավարման գործընթացի տարանջատումը տնօրենի

եւ վարչատնտեսական մասի համակարգողի միջեւ:

Հաստատության ուսումնադաստիարակչական եւ վարչական գործընթացների կառավարումը վերապահվում են տարբեր ղեկավարների. ուսումնադաստիարակչական մասի գործադիր մարմինը տնօրենն է, իսկ վարչատնտեսական գործընթացի կառավարումն իրականացնում է վարչատնտեսական համակարգողը, որոնց լիազորությունների, պարտականությունների ու պատասխանատվության մասին դրույթները սահմանված են օրենքով: Տարանջատման արդյունքում ակնկալվում է արդյունավետ կառավարում գործառնությունների եւ պատասխանատվության հստակ բաշխմամբ:

Ուսումնական հաստատության կառավարման առաջարկվող նոր մոդելով վարչատնտեսական համակարգողի իրականացում է դպրոցի վարչական, տնտեսական եւ ֆինանսական կառավարումը: Համակարգողը տնօրենի հետ իրականացնում է միայն ուսումնական գործընթացի պլանավորում եւ համապատասխանաբար անհրաժեշտ պայմանների ապահովում: Տնօրենը չի զբաղվում վարչական, տնտեսական եւ ֆինանսական հարցերով: Նա իրականացնում է մանկավարժական աշխատողների մրցույթի կազմակերպման, ուսումնադաստիարակչական աշխատանքների պլանավորման գործընթացները:

Այսպիսով, ուսումնական հաստատության կառավարումը տարանջատելու արդյունքում գործադիր մարմին համարվող երկու ղեկավարները կզբաղվեն հավասարապես կարելու եւ աշխատատար գործառնություններով՝ դրանք իրականացնելով համագործակցային մեխանիզմով:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՆՈՐ ԶԵՆՔԲԵՐՈՒՄՆԵՐ

«ԵՐԱԺՇՏՈՒԹՅՈՒՆ՝ ՀԱՆՈՒՆ ԱՊԱԳԱՅԻ»

«Երաժշտություն՝ հանուն աղազայի» մշակութային հիմնադրամի Talentum կրթական և զարգացնող ծրագրի կրթաթուղթերը 2021/2022 թվականների ծրագիրը:

Համերգային երեկոյին, որը տեղի ունեցավ հոկտեմբերի 12-ին Կոմիտասի անվան կամերային երաժշտության տանը, ելույթ ունեցավ ծրագրի 11-18 տարեկան 15 կրթաթուղթակառու:

Նրանք ներկայացրին հայ եւ օտարազգի համաշխարհային ճանաչում ունեցող կոմպոզիտորների ստեղծագործություններ:

«Կրթաթուղթակառուները 150-ից ավելի վարպետության դասեր են անցել, ծանոթացել եւ մասնագիտական խորհուրդներ են ստացել հիսունից ավելի պրոֆեսորներից ու հանրահայտ երաժիշտներից, մասնակցել են օտար լեզուների դասընթացների Բրյուսելի անվան պետական համալսարանում, այցելել են թանգարաններ, մասնակցել են համերգների, իսկ այս երեկո նրանց հաջվեցին համերգն է, որտեղ ներկայացնելու են այն հմտությունները, որոնք ձեռք են բերել այս մեկ տարվա ընթացքում»,- պատմեց հիմնադրամի տնօրեն Աննա Տեր-Հովսեփյանը:

Նա նշեց, որ ծրագրին մասնակցության հայտ է ներկայացրել 300 պատանի, սակայն ընտրվել է 15 մասնակից: Նրանք վարպետության դասեր են անցնել այնպիսի երաժիշտների մոտ, ինչպիսիք են թավջութակահարներ Միշա Մայսկին, Դմիտրի Յաբլոնսկին, ջութակահարներ Գիլ Շահամը, Դորա Շվարցբերգը, հոբոյահար Ալեքսեյ Օգրինչուկը, դաշնակահարներ Ալեքսեյ Դոմանովսկին, Գլորիա Կամպաներոն եւ այլք:

Տեր-Հովսեփյանի խոսքով՝ ծրագրին մասնակցում են միայն ակադեմիական գործիքների կատարողները՝ դաշնակահարներ, ջութակահարներ, հոբոյահարներ, կլարնետահարներ, ֆլեյտահարներ, թավջութակահարներ:

Հիմնադրամի տնօրենը ծրագրի ձեռքբերումն է համարում հովանավորների աջակցությունը եւ հույս հայտնում, որ տարիների ընթացքում երաժշտությունը



Կարեն Կարենյանի մեկնասաների թիվը կավելանա:

Համերգի ավարտին պատանի երաժիշտներին հանձնվեցին «Երաժշտություն՝ հանուն աղազայի» մշակութային հիմնադրամի Talentum ծրագրի ավարտական վկայականներ:

«Երաժշտություն՝ հանուն աղազայի» մշակութային հիմնադրամը 2019 թվականին հիմնադրել է դիրիժոր Սերգեյ Սմբատյանը, որը եւ գլխավորում է հիմնադրամի հոգաբարձուների խորհրդի աշխատանքները: Հիմնադրամը հետապնդում է մշակութային հանրահռչակման եւ զարգացման նպատակներ: Այն ուղղված է կրթական, սոցիալական եւ մշակութային ծրագրերի իրականացմանը:

Հիմնադրամի առաքելությունն է բացահայտել, զարգացնել, կրթել եւ աջակցել տաղանդաշատ երաժիշտներին, մշակույթի եւ արվեստի ներկայացուցիչներին,

մշակութային եւ կրթական հաստատություններին եւ կազմակերպություններին ամբողջ աշխարհում, տրամադրել կրթաթուղթակներ, կրթական օժանդակություն 2-նորհալի երաժիշտներին, երգիչներին, արվեստի ներկայացուցիչներին, ապահովել նրանց մասնակցությունը միջազգային տարբեր երաժշտական փառատոներին, միջոցառումներին, մրցույթներին եւ երաժշտական ծրագրերին:

Հիմնադրամը ձգտում է նպաստել Հայաստանի եւ սփյուռքի հայկական մշակութային եւ կրթական կազմակերպությունների եւ անհատների միջեւ կապերի հաստատմանը եւ համագործակցությանը, հայկական մշակութային ներուժի համախմբմանը, հայկական մշակույթի, դասական երաժշտության կատարողական արվեստի զարգացմանը եւ տարածմանը Հայաստանում եւ երկրի սահմաններից դուրս:

ԼՈՒՐԵՐ

ՆՈՐ ԵՐԳ

Բրիտանական Queen ռոք խումբը թողարկել է Face It Alone երգը, որը հիմնված է Ֆրեդի Մերկուրիի՝ 1988 թվականի դեմոնախնայության վրա: Երգը ստեղծվել է այն ժամանակ, երբ երաժիշտներն աշխատում էին The Miracle ալբոմի վրա: Այս մասին հայտնում է «SUSA»-ը:

Հարցազրույցում Queen-ի անդամներ Բրայան Մեյը եւ Ռոջեր Թեյլորը նշել են, որ չեն հավատում հին ծայրագրությունը վերականգնելու հնարավորությանը, սակայն հաճելիորեն զարմացած են ստացված երգի հուզիչ արդյունքից: «Մենք Ֆրեդիից գտանք մի փոքրիկ գոհար, որի մասին փոքր-ինչ մոռացել էինք: Դա իսկական բացահայտում էր», - ասել են նրանք:

Face It Alone թրեքը կներառվի Queen-ի առաջիկա ալբոմում, որում ունկնդիրներին կներկայացվեն նաեւ երաժիշտների երկխոսությունների ձայնագրությունները:

Queen խմբի մենակատար Ֆրեդի Մերկուրիի մահացել է 1991 թվականի նոյեմբերի 24-ին: Չնայած դրան՝ թիմը շարունակում է գոյություն ունենալ: Նոր կազմում, բացի Մեյից ու Թեյլորից, ընդգրկված են Փոլ Ռոջերսն ու Ադամ Լամբերտը:

ՄԵԿՆԱԲԱՆԵԼ Է

Իտալական «Ռոմայի» պորտուգալացի գլխավոր մարզիչ Ժոզե Մոուրինյոն մեկնաբանել է իսպանական «Բետիսի» հետ 1:1 հաշվով ոչ-ոքի արդյունքը Եվրոպայի լիգայի խմբային փուլի չորրորդ տուրում:

«Փլեյ-օֆֆի խաղ էր: Եթե պարտվեինք, կկորցնեինք խմբից դուրս գալու հնարավորությունը: Առաջին խաղակետում 0:1 հաշվով պարտվելը իսկական ճնշում է, որը չէր զգացվի առաջնության սովորական խաղում:

Մենք ունեինք բազմաթիվ խնդիրներ, վնասվածքներ, որակագրկումներ, հոգնածություն, իսկ մրցակիցը, նախորդ հանդիպման համեմատ, ութ փոփոխություն էր կատարել եւ ներկայացրել թարմ կազմ: Մեր դրսեւորած կիրքը թույլ տվեց երկրորդ խաղակետում խփել պատասխան գոլը եւ խուսափել պարտությունից:

Մնացել է երկու հանդիպում: Պետք է հաղթել, այլապես դուրս կմնանք: Լավ է, որ ամեն ինչ կախված է մեզնից», - Մոուրինյոյի խոսքը մեջբերում է Sky Sport Italia-ն:

Անցած տուրում «Ռոման» տանը 1:2 հաշվով պարտվել էր «Բետիսին»:

«Բետիսը» 10 միավորով գլխավորում է մրցաշարային աղյուսակը, «Ռոման» երրորդն է՝ 4 միավոր: Նույնքան միավոր ունի երկրորդ տեղում գտնվող բուլղարական «Լուդոգորեցը», որը մեկ հանդիպում քիչ է անցկացրել:

«ԵՐԵՎԱՆԸ ԵՐԳՈՒՄ Է ՖՈՐՇԻ ՀԱՍԱՐ»

ԹԵ ԻՆՉՊԵՍ Է ՆՇՎԵԼ ԱՐՏԻՍՏԻ 55-ԱՄՅԱԿԸ

Երգիչ, երգահան, ՀՀ վասսակավոր արտիստ Ֆորշի 55-ամյակի առթիվ հոկտեմբերի 10-ին «Վիվո» համերգասրահում տեղի է ունեցել «Երեւանը երգում է Ֆորշի համար» խորագրով համերգային երեկոն:

Համերգին Ֆորշին նվիրված կատարումներով հանդես են եկել Thea Orchestra-ն, Գոռ Սուջանը, Արամին, Էմմա Պետրոսյանը, Արթուր Իսախանյանը, Շուշան Պետրոսյանը, Վահագն Հայրապետյանը, Արսեն Սաֆարյանը, Արամ ՄՊ3-ը, Սամսոն Մելիքյանը, Զարուհի Բաբայանը, Սրբուկը, Աղվան Պապոյանը, Արփին, Արտակ Ներսիսյանը, Լուկաս Մադոյանը, Հայկ Պետրոսյանը, Լեւոն Մալխասյանը, Ռադիկ Գաբրիելյանը եւ համաճիկների պետական թատրոնի արտիստները:

Հաղորդավար, դերասանուհի Զառա Արամյանը, որը հյուրերից էր, իրեն այն երջանիկներից է համարում, որը երաժշտական դպրոցում նույն դասարանում է սովորել Ֆորշի, Գրիշա Աղախանյանի, Արամիյի հետ: «Լավ հիշում եմ այն շրջանը, երբ Վահանը դարձավ Ֆորշի, հետո՝ Ֆորշ: Ֆորշն ինձ համար սիրելի, հարգատ անձնավորություն է: Նրա յուրաքանչյուր երգ մեր սրտից է բխում եւ դիպչում է սրտին: Մենք սիրում ենք մեր քաղաքը, միմյանց նաեւ Ֆորշի երգերով», - նշել է Արամյանն ու հավելել՝ Ֆորշը անհրաժեշտ է Երեւանին եւ պետք է միշտ Երեւանում լինի:

Հաղորդավար Արման Մարգարյանը ոչ միայն Ֆորշի երիտասարդ երկրպագուն է, այլեւ ընկերը: «Երբ փոքր երեխա էի, Ֆորշի երգերը ձայներիզներով էի լսում: Երբեք չէի հավատա՝ կգա մի օր, եւ մենք

կընկերանանք: Երջանիկ եմ, որ նա մեր ավագ ընկերն է, Երեւանի Ֆորշն է, որին պետք է փայփայել ու լսել նրա երգերը», - ասել է Մարգարյանը:

Երգչուհի Նառան Ֆորշին Երեւանի վառ գույներից է համարում: Կարծում է՝ Ֆորշը Երեւան քաղաքի կարենոր մասն է: «Ցանկանում եմ, որ Ֆորշը լինի առողջ եւ երկար ստեղծագործական ճանապարհ անցնի», - ընդգծել է Նառան:

Համերգը կազմակերպել են Երեւանի ավագանու անդամներ Արմեն Սարգսյանը եւ Նուարդ Վարդանյանը՝ փոխքաղաքապետ Տիգրան Ավինյանի աջակցությամբ:

Երեկոյին ներկայացվել է Ֆորշի 55-ամյակին նվիրված տեսաֆիլմ, ինչպես նաեւ բազում այլ անակնկալներ: Ֆորշը եւ «Ռե Միլոն» խումբը եւս հանդես են եկել կատարումներով:


● Հոկտեմբերի 16-ին «Կայարան» թատրոնում տեղի կունենա «Թռի-վռի մի ճպուռ» ներկայացումը: Տոմսերի արժեքը՝ 1000-1500 դրամ:



Էջը՝ ՌՈՋԱ ՊՈՂՈՍՅԱՆԻ

ՍՈՌՑԻԱԼԱԿԱՆ

Հարց. Ո՞ր հազվեհամարին ողբեք է փոխանցել ողբ-սական տարբեր եւ ի՞նչ ժամկետներում: (Տարեկի Հայաստան, 36 տարեկան)



ՊԱՏԱՍԽԱՆ. Ղեկատնային գործունեություն՝ 900005016648: Բժշկական օգնություն եւ սպասարկում՝ 900005016614:

Ղեկերի արտադրություն՝ 900005016630: Թմրամիջոցների կամ հոգեմետ նյութերի կամ Հայաստանի Հանրապետության կառավարության սահմանած դրանց արեկուրտորների արտադրության, արտահանման, ներմուծման կամ մեծածախ առևտրի իրականացում: Թմրամիջոցների կամ հոգեմետ նյութերի արտադրության կամ առևտրի, արտահանման կամ ներմուծման, իջպես նաեւ թմրամիջոցների եւ հոգեմետ /հոգեներգործում/ նյութերի գիտական եւ ուսումնական նպատակներով օգտագործման եւ այդ նյութերի օգտագործմամբ փորձաքննության անցկացման լիցենզիա տալու համար՝ 900005160339:

Ղեկերի մեծածախ իրացում՝ 900005001574: Արտադրական կանեփի արտադրություն, ներմուծում, արտահանում կամ մեծածախ առևտրի իրականացում՝ 900005002390: ՀՀ առողջապահության նախարարություն

«ԺՈՂՈՎՈՒՐԳ». Հերթական տարում վճարումը պետք է իրականացվի մինչև լիցենզիայի վրա նշված ամսաթվի ավարտը:

ԿԱՐԳ

ՀԱՐՑ. Կարո՞ղ է արդյոք ավանդի փոխհատուցում ստանալու իրավունք ունեցող մահացած անձի փոխարեն գումարը վճարվել մեկ այլ անձի: (Աննա Չիտչյան, 65 տարեկան)



ՊԱՏԱՍԽԱՆ. Ավանդի փոխհատուցում ստանալու իրավունք ունեցող անձի գումարը կարող է վճարվել ժառանգության իրավունքը ճանաչած անձին, եթե ավանդատուի տվյալները ընդգրկվել են տվյալ ամսվա փոխհատուցման վճարման ցուցակում եւ նա մահացել է վճարման ցուցակների ձեւավորման օրվա եւ դրան հաջորդող օրերի ընթացքում:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Ավանդների փոխհատուցումը վճարվում է Հայփոստի բաժանմունքի սպասարկող անձի կողմից (փոստատար) տուն առաքելու միջոցով (ավանդատուի պահանջով այն կարող է վճարվել նաեւ բաժանմունքում)՝ համաձայն հաստատված ժամանակացույցի եւ ըստ փոստատարների համար սահմանված երթուղու:

ԼՈՒՐ ԿԱՂԻ

Լուսանկարն արվել է Երեւանում



Հոկտեմբերի 13-ին Երեւանի Նոր Նորք վարչական շրջանի Մոլդովական 29/5 շենքի բակում տեղի ունեցավ Արցախյան 44-օրյա պատերազմում նահատակված, լեգենդ դարձած հերոս Կամո Շահբազյանի հիշատակը հավերժացնող խաչքարի եւ ցայտադրյուրի բացման արարողությունը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

Subscription form with fields for name, address, phone, and a contact number (060) 490049.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 14.10.2022

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: